

/վարչական տույժ նշանակելու վերաբերյալ/

«19» նոյեմբերի 2021թ.

ք. Վանաձոր

Հայաստանի Հանրապետության պետական եկամուտների կոմիտեի Արևելյան մաքսատուն-վարչության պետի ժ/պ Գոռ Բակլաջյանս, քննելով Մոլդովայի Հանրապետության քաղաքացի Ակիմ Ֆարֆակարի /անձն. AA1106382, ծնված 01.07.1999թ. հասցե՝ /ՀՀ Գեղարքունիքի մարզ, ք. Մարտունի, «Ալաշկերտ» հյուրանոց/ կողմից մաքսային կանոնների խախտման վերաբերյալ գործը,

Պ Ա Ր Զ Ե Ց Ի

Մոլդովայի քաղաքացի Ակիմ Ֆարֆակարի կողմից 10.09.2019թ. ՀՀ ՊԵԿ ԱՄՎ Բագրատաշենի մաքսային կետ-բաժնով թիվ 05100033/100919/000499590 մաքսային մուտքի օրդերով 180 օր ժամկետով ժամանակավոր ՀՀ տարածք է ներմուծվել «Volkswagen Sharan» մակնիշի, /vin-WVWZZZ7MZWV054914/, 440ASA պետհամարանիշի 1998 թվականի արտադրության տրանսպորտային միջոց: Նշված տրանսպորտային միջոցի ժամանակավոր ներմուծման վերջնաժամկետը երկարաձգվել է մինչև 30.09.2021թ., սակայն մինչ այդ ժամկետի ավարտը վերոնշյալ տրանսպորտային միջոցը չի արտահանվել ՀՀ տարածքից, որի արդյունքում խախտվել է հետադարձ արտահանման պարտավորությունը:

ՀՀ ՊԵԿ Արևելյան մաքսատուն-վարչության Բագրատաշենի մաքսային կետ-բաժնի գլխավոր մաքսային տեսուչ-իրավաբանի կողմից 19.10.2021 թվականին Ակիմ Ֆարֆակարի նկատմամբ կազմվել է մաքսային կանոնների խախտման վերաբերյալ արձանագրություն ՀՀ մաքսային օրենսգրքի 199-րդ հոդվածի 1-ին մասի հատկանիշներով:

Նշանակվել է գործի քննություն 19.11.2021 թվականին ժամը 17:00-ին, որի վերաբերյալ վերջինիս պատշաճ ծանուցվել և ներկայացել է վարչական վարույթի քննարկմանը:

Նույն օրը, քաղաքացի Ակիմ Ֆարֆակարը դիմել է ՀՀ ՊԵԿ ԱՄՎ Բագրատաշենի մաքսային կետ-բաժնի պետին, հայտնելով, որ ինֆեկցիոն հիվանդության պատճառով հնարավորություն չի ունեցել դուրս գալ ՀՀ-ից: Խնդրել է չկիրառել վարչական տուգանք:

Միաժամանակ խնդրել է ընդունված որոշումը ուղարկել իր կողմից ներակայացված էլեկտրոնային փոստի հասցեին:

Քաղաքացի Ակիմ Ֆարֆակարը 10.11.2021թ. թիվ Դ/25207-2021 դիմումով դիմել է ՀՀ ՊԵԿ նախագահին և հայտնել, որ պանդեմիայի հետ կապված և սահմանների փակ լինելու պատճառով չի կարողացել դուրս գալ Հայաստանից ժամանակավոր ներմուծմամբ «Volkswagen Sharan» /440ASA պետհամարանիշի 1998 թվականի/ տրանսպորտային միջոցի ժամկետի երկարաձգման համար: Պատճառը հիմնավորել է այն հանգամանքով, որ Երևանում առկա է մաքսատուն: Երբ ինքը բնակվում էր ք. Ստեփանակերտում, մինչև 44 օրյա պատերազմը, Երևանի մաքսատան պետը երկարաձգել է ժամանակավոր ներմուծման ժամկետը 6 ամսով, սակայն սկսվել է պատերազմը և իրենք թողել են իրենց աշխատանքը և գույքը Ստեփանակերտում: Աշխատել են պաշտոնապես, վճարել են հարկերը, զինվորականներին պահել են: Սրտանց խնդրել է ներել, քանի որ տեղեկացնում է մանրամասն, որպեսզի ներեք: Երբ իրենք Ստեփանակերտից ժամանել են Երևան, դիմել են մաքսային մարմնի պետի տեղակալին 2 անգամ, և իրենց ասել են, որ ժամանակավոր ներմուծման ժամկետը երկարաձգված է պանդեմիայի հետ կապված: Դիմել են նաև ՀՀ Դեսպանություն, որպեսզի օգնեն թոնել Մոլդովա և իրենց օգնել են: Այդ ժամանակահատվածում հիվանդացել են COVID-19 վարակով և գտնվում են հիվանդանոցում ծանր վիճակում, իսկ հետո եղել են մեկուսացման մեջ և չեն կարողացել թոնել: Առողջանալուց հետո չորս անգամ դիմել են Երևանում գտնվող մաքսային մարմին՝ մեքենան արտահանելու համար: Իրենց ասել են, որ սահմանը փակ է և թողնեն տվյալներ, սահմանը բացվելուն պես իրենք կտեղեկացվեն: Վերջին անգամ դիմել են մաքսային մարմնին հոկտեմբերի 12-ին: Մարտունի քաղաքից ժամանել են, և իրենց ասել են, որ արդեն ուշացել են: Խնդրել են չկիրառել տուգանք, քանի որ հնարավորություն չունեն այն վճարելու:

22.10.2021թ. թիվ Ն/22-4/190552-2021 զեկուցագրով հայցվել է տեղեկատվություն քաղաքացի Ակիմ Ֆարֆակարի /անձն. AA1106382/ կողմից 10.09.2019թ. թիվ 05100033/100919/0000499590 ՄՄՕ-ով ժամանակավոր /180 օր ժամկետով/ ՀՀ տարածք է ներմուծվել «Volkswagen Sharan» մակնիշի, /vin-WVWZZZ7MZWV054914/, **440ASA** պետհամարանիշի 1998 թվականի արտադրության տրանսպորտային միջոցի «Ներմուծում»

ազատ շրջանառության համար» մաքսային ընթացակարգով հայտարարագրման դեպքում առաջացած մաքսային վճարների վերաբերյալ:

Ի պատասխան 22.10.2021թ. թիվ Ն/22-4/193310-2021 գեկուցագրի հայտնել են, որ թիվ 05100033/100919/0000499590 մաքսային մուտքի օրդերով «Volkswagen Sharan» մակնիշի, 1998թ. թողարկված, շարժիչի ծավալը՝ 1896 սմ³, Vin- WVGWZZZ7MZWV054914 նույնականացման համարով տրանսպորտային միջոցը ազատ շրջանառության համար բաց թողնելու դեպքում կառաջանա մաքսատուրք՝ 4788204 ՀՀ դրամ, ԱԱՀ՝ 142995 ՀՀ դրամ:

«Եվրասիական տնտեսական միության մաքսային օրենսգրքի մասին» պայմանագրի 264-րդ հոդվածի 1-ին կետի համաձայն օտարերկրյա ֆիզիկական անձանց կողմից՝ Միության անդամ չհանդիսացող պետությունում գրանցված անձնական օգտագործման տրանսպորտային միջոցների ժամանակավոր ներմուծումը Միության մաքսային տարածք թույլատրվում է ոչ ավելի, քան 1 տարի ժամկետով: Նույն հոդվածի 5-րդ մասի 1-ին պարբերության համաձայն՝ ժամանակավոր ներմուծված անձնական օգտագործման տրանսպորտային միջոցները, մինչև այն ժամկետի լրանալը, որի ընթացքում այդ տրանսպորտային միջոցները կարող են ժամանակավոր գտնվել Միության մաքսային տարածքում, Միության մքասային տարածքից արտահանման, ազատ շրջանառության համար բացթողման կամ սույն հոդվածին համապատասխան այլ նպատակներով ենթակա են մաքսային հայտարարագրման:

ՀՀ մաքսային օրենսգրքի 189-րդ հոդվածի 1-ին մասի համաձայն՝ մաքսային կանոնների խախտում է համարվում անձի կողմից կատարված անօրինական գործողությունը կամ անգործությունն, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության մաքսային սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենսգրքով նախատեսված է պատասխանատվություն:

Նույն հոդվածի 2-րդ մասի համաձայն՝ Ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության:

ՀՀ մաքսային օրենսգրքի 199-րդ հոդվածի 1-ին մասի համաձայն՝ հետագա արտահանման պարտավորությամբ Հայաստանի Հանրապետություն ներմուծված ապրանքները և տրանսպորտային միջոցները սահմանված ժամկետում չարտահանելը կամ հետագա ներմուծման պարտավորությամբ արտահանված ապրանքները և տրանսպորտային միջոցները սահմանված ժամկետում Հայաստանի Հանրապետություն չներմուծելը՝ առաջացնում է տուգանքի նշանակում՝ խախտման օրվա դրությամբ այդ ապրանքների և տրանսպորտային միջոցների համար «ներմուծում՝ ազատ շրջանառության համար» մաքսային ռեժիմով նախատեսված մաքսային վճարների մեծության 50 տոկոսի չափով, բայց ոչ պակաս, քան 50 հազար դրամ:

Վարչական իրավախախտումների վերաբերյալ գործերի վարույթը բացառող հանգամանքները սահմանված են Օրենսգրքի 247-րդ հոդվածով:

Սույն դեպքով Ակիմ Ֆարֆակարի անվամբ 18.12.2019թ. ՀՀ ՊԵԿ ԱՄՎ Բագրատաշենի մաքսային կետ-բաժնով թիվ 05100033/100919/000499590 մաքսային մուտքի օրդերով 180 օր ժամկետով ժամանակավոր ՀՀ տարածք է ներմուծվել «Volkswagen Sharan» մակնիշի, /vin-WVWZZZ7MZWV054914/, 440ASA պետհամարանիշի 1998 թվականի արտադրության տրանսպորտային միջոց: Համավարակով պայմանավորված՝ ԵՏՀ խորհրդի թիվ 47 որոշմամբ ժամկետը երկարաձգել էր մինչև 30.09.2021թ.: Ակիմ Ֆարֆակարը սահմանված ժամկետում չի արտահանել վերոնշյալ ապրանքները և չի ձևակերպել այլ մաքսային ընթացակարգով:

Այսպիսով վարչական մարմինը քննելով գործում առկա ապացույցները, ներկայացված դիմումները, գտնում է, որ ներկայացված դիմումներում չկա ոորևէ հիմնավոր ապացույց, որ վերջինիս կողմից անհնար է եղել կատարել վերաարտահանման արտավորությունը մինև 30.09.2021 թվականը:

Ելնելով վերոգրյալից և ղեկավարվելով ՀՀ մաքսային օրենսգրքի 199-րդ, 206-րդ և 221-րդ հոդվածներով և Վարչական իրավախախտումների վերաբերյալ ՀՀ օրենսգրքի 214-րդ, 234-րդ հոդվածներով՝

Ո Ր Ո Շ Ե Ց Ի

1. ՀՀ մաքսային օրենսգրքի 199-րդ հոդվածով նախատեսված մաքսային կանոնների խախտում կատարելու համար ՀՀ քաղաքացի Ակիմ Ֆարֆակարին ենթարկել վարչական պատասխանատվության՝ տուգանելով՝ 2465600 ՀՀ դրամի չափով:
2. Որոշման մասին հայտնել Ակիմ Ֆարֆակարին:
3. Պարզաբանել, որ ՀՀ մաքսային օրենսգրքի 221-րդ հոդվածի 2-րդ մասի համաձայն որոշումն ուժի մեջ է մտնում այն կայացնելու պահից և համաձայն ՀՀ ՄՕ 222-րդ հոդվածի 2-րդ մասի որոշումը կարող է բողոքարկվել վերադաս մաքսային մարմին (պաշտոնատար անձին) կայացնելուց հետո՝ 10 օրվա ընթացքում կամ ՀՀ վարչական դատարան՝ ՀՀ վարչական դատավարության օրենսգրքով սահմանված կարգով՝ երկամսյա ժամկետում:

Սույն որոշմամբ նշանակված տուգանքի վճարման հաշվեհամարն է. 900005024055 (ՀՀ պետական բյուջե, կենտրոնական գանձապետարան, Արևելյան մաքսագլուխ-վարչություն, ԿՈԴ 29):

ԱՐԵՎԵԼՅԱՆ ՄԱՔՍԱՏՈՒՆ-

ՎԱՐՉՈՒԹՅԱՆ ՊԵՏԻ Ժ/Պ



ԳՈՒ ԲԱԿԼԱՉՅԱՆ